



Inatsisartuni ilaasortamut
Isak Johannesen
Naleraq

10/09/2026
Sags nr. 2026 - 13727
Akt. id. 26685303

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Kullorsuarmut inoqarfimmut tunngasutut § 37-mi apeqqut nr. 132_2026-mut akissutit

Asasara Isak Johannesen, Naleraq.

Apeqqutitut qujanaq. Apeqqutit ataani ataasiakkaarlugit uteqqinneqarput, akissutigisat malitsigitillugit.

1. Inoqarfiup illoqarfittut imaluunniit nunaqarfittut inissisimanerata immikkoortiterneqarnissaanut inatsisitigut, allaffissornikkut pilersaarusiornikkullu suut tunngavigineqartarpat?

Qaqugukkut inoqarfiup illoqarfiuneranik imaluunniit nunaqarfiuneranik kinaassusersiunngitsutut najoqqutassanik nassuiaalluniluunniit aalajangersaasumik inatsimmik imaluunniit nalunaarummik soqanngilaq. Immikkoortitsineq oqaluttuarisaanikkut pisuuvoq, inatsisitigullu nassuiarnera pinnagu allaffissornermit tunngaveqartitaalluni.

Ull. 1. januar 2009-mi kommunini suliassa qarfiit aaqqissuuteqqinnerat tunngaviuvoq (Kommunini suliassa qarfiit aaqqissuuteqqinnerat pillugu Inatsisartut inatsisaannik tunngaveqarluni naammassineqartoq). Aaqqissuusseqqinneq sioqqullugu Kalaallit Nunaanni kommunit 18-it ipput, tamarmik immikkut aqutsisoqarfittut pingaarnertut illoqarfeqarlutik ataatsimik, aammalu nunaqarfinnik tassunga atasuusunik aalajangersimasunik amerlassuseqartunik peqarlutik. 2009-p tungaanut kommunini pingaarnertut illoqarfiusut inoqarfiit taakku taaguut "illoqarfik" pigiinnarpaat, kommuninilu ataasiakkaani taakkunani sumiiffiit sinneri najugaqarfiusut suli "nunaqarfiit" taaguutigaa. Taamaalluni immikkoortitsilluni taaguusersuineq tassaavoq kommunit aaqqissuussaanoqaannit aqutsisoqarfimmit kingornutaq, inoqarfinnillu ataasiakkaanik taakkuninnga ingerlanneqartutut, najoqqutassanik tunngaveqartumik nalilersuinerup inernerinngilaq.

Ullumikkut immikkoortitsinnermut pingaaruteqarluni inatsisitigut najoqqutassamut inatsit qanillattuinerpaasoq tassaavoq Pilersaarusiorneq aamma nunaminertat atorineqartarnerat pillugit Inatsisartut inatsisaat (pileraarusiornermut inatsit) Namminersorlutik Oqartussat nalunaarutaat nr. 4, 25. januar 2024-meersoq. § 21 a-mi innuttaasut amerlassusaat malillugit assigiinngisitaartumik nunaminertanik aqutsineq (apeqqut 2-mi itisiliivigineqartoq) inatsip aalajangersarpaa, taamaattorli illoqarfiup/nunaqarfiup suussuserpiaanik inatsisiliinngilaq, aammalu oqariaatsinik "illoqarfimmut" aamma "nunaqarfimmut" najoqqutassialikkamik nassuiaammik imaqarani. Tassunga ilanngutissaaq Kommunit aqunneqarnerat pillugu Inatsisartut inatsisaat



nr. 29, 17. november 2017-imeersoq, kommunit tamatigoortutut piginnaasaannik, aammalu aqutsinikkut aaqqissuussaananerannik aalajangiisoq, aammali illoqarfimmik/nunaqarfimmik nassuiaassummik imaqaraniluunniit suussutsimik taarsiinissamut najoqqutassanik imaqanngitsaq.

Piviusuni illoqarfittut imaluunniit nunaqarfittut inissisimaneq arlalitsigut pingaaruteqarpoq: kommunip aqutsinikkut aaqqissuussaananeranut (kommunimi pingaarnertut aqutsisoqarfik nalinginnarmik illoqarfimmi inissisimaffeqarluni), naalagaaffimmi aamma kommunini sullissisarfiit aalajangersimasut tamaaniinnerinut (eqqartuussisoqarfik, politiit, peqqinnissaqarfik il.il., takuuk apeqqut 6), GAGI-mi (Grønlands Administrative Geografiske Inddelinger'imi – Kalaallit Nunaanni Aqutsisoqarnermi Nunami Immikkoortiterinerini) nalunaarsuisarnermut (tunngaviusutut paasissutissanut (datanut) ingerlattakkami ilaasumi), aamma pilersaarusiornermut inatsimmi § 14 malillugit kommunimi pilersaarusiornermut, kommunimi inoqarfiusunut ataasiakkaanut tamanut pingaarnertut aaqqissuussagaasumik suliaqartoqassaaq. Taamaattorli inatsisitigut sunniutit taakku arlaannaalluunniit kinaassusersiugaanngitsunik, uuttorneqarsinnaasunik najoqqutarisanik pilimmik, soorlu innuttaasut amerlassusaannik, inuussutissarsiorfiit ilusaannik, imaluunniit attaveqaasersuutit inissisimaffinik, aalajangersimasumik nunami namminermi immikkoortitsisutut nassuiaataasumut atassuteqartuunngillat.

Tassunga atatillugu 2005-imi isumaliutissiisummini aamma Nuna tamakkerlugu nassuiaammi 2017-imeersumi Aaqqissuusseqqinnermut Ataatsimiititaliap illoqarfiup aamma nunaqarfiup akornanni immikkoortitsisarnerup pisoqalisimanera taakkartorpa, aammalu arlaannaannulluunniit atanngitsumik taaguummik 'inoqarfik'-mik taarsertariaqarnerarlugu, tassalu tamanna assigiissitaartumik, maannakkut pisutut piviusumik takussutisseerpiannngimmat.

Aaqqissuusseqqinnermut Ataatsimiititaliap pilersinneqarsimanera oqaatigineqassaaq, taannalu siunissami kommuninik aaqqissuusseqqinnermut tunngasunik inassutigisanik suliaqartuuvuq, takuuk apeqqut 17-imi erseqqinnerusut.

2. Inoqarfik qaqugu illoqarfittut inissinneqarsinnaanersoq pillugu innuttaasut amerlassusaannut killiliissaq aalajangersimasooq pigineqarpa?

Naagga. Nunaqarfimmit illoqarfimmut, imaluunniit paarlattuanik suussutsimik taarsiinerpiamut innuttaasut amerlassusaanni killeqarfimmik aalajangiussamik, inatsisinut pituttugaaffilimmik peqartoqanngilaq.

Taamaalluni suussusaasoq innuttaasut amerlassusaannaannit atuuffiunngilaq, pingaarnertulli apeqqut 1-imi nassuiarneqartutut oqaluttuarisaanikkut aqutsisoqarfittut aaqqissuussaaffiusumit takussutaavoq. Kullorsuaq innuttaasut amerlassusaannik 390-it missaannik najugaqarfiuvoq, taamaalineranilu Kalaallit Nunaanni maannakkut illoqarfiusuni ikinnerpaatut ataatsimut naleqqiulluni anginerulluni. Najugaqarfiusooq illoqarfittut imaluunniit nunaqarfittut suussuseqarnissaa pillugu innuttaasut amerlassusaat kisimiillutik aalajangiisuunnginnerannik tamanna takussutissiivoq.

Taamaattorli allami, assingusutut ingerlatsivimmi inatsisitigut tunngavilitut innuttaasunik 500-nik killeqarfeqartoq oqaatigineqassaaq: Pilersaarusiornermut inatsimmi § 21 a-p najugaqarfiit 500-nik, imaluunniit amerlanernik inuttalinni nunaminertanik atugassiisoqarneq sioqqullugu akuerisaasumik sumiiffimmut pilersaaruteqartassasoq aalajangersarppaa, 500-lli inorlugit najugaqarfiusut sioqqutsisumik sumiiffimmut pilersaarummik peqarani nunaminertanik atugassinneqarsinnaatitaapput. Taamaattorli killilersuut taanna taamaallaat nunaminertanik aqutsinermik, aamma sumiiffimmut pilersaarusiornissamut pisussaaffimmik



inatsisilersuivoq, najoqqutassialigaasutullu illoqarfittut imaluunniit nunaqarfittut suussuseqarneq pillugu apeqquummut inatsisitigut pingaaruteqartuunngilaq.

3. Oqartussaqaarfik sorleq inoqarfiusoq nunaqarfimmit illoqarfimmut inissisimanerata allanngortinnissaanut piginnaatitaava?

Nunaqarfimmit illoqarfimmut najugaqarfiusup suussusaata allanngortinnissaanut immikkut ittutut inatsisini aalajangersakkatut piginnaaffimmik, imaluunniit ingerlattagaasumik suussusersisoqanngilaq. Pilersaarusiornermut inatsisip kommunini aamma nunami tamarmi pilersaarusiornarit inatsisilersugarai, suussutsimilli taarsiinerpiamut aalajangiussinissami piginnaasamik aalajangersaanngilaq. Taamaattumik ajornanngippat nangitsilluni suliaqarnerup pisariaqartissavai piginnaasaqarfimmik paasisaqarneq, aammalu aqutsinikkut suleriaasissaq.

Akisummut matumunnga atatillugu 2009-mi aaqqissusseqqinnermut iluarsinerup kingornatigut nunatsinni najugaqarfiup nunaqarfimmit illoqarfimmut suussusaata allanngortinneqarfianik uppersarneqarsinnaasutut siuliani suliarisamik naalakkersuisoqarfik suussusersisinnaasimanngilaq.

Tassunga atatillugu Ivittuut, kingornatigullu Kangilinnguit siusinnerusukku illoqarfittut suussuseqarsimanerat oqaatigineqassaaq, taakkuli najugaqarfiujunnaarlutik qimanneqarput, tamatuma kingornatigut sumiiffiit taakkununga ilaasut Paamiut eqqaamiorisaanut nuunneqarlutik, tamannali sulii najugarineqarfiusutut najukkap aqutsisoqarfimmi suussutsimik allannguutaaneranut piviusumik assersuutissaanngilaq.

4. Kullorsuup illoqarfittut inissisimalernissaanut inatsisini allannguutit, allaffissornikkut aalajangiinerit kiisalu kommunip pilersaarusiornarani allannguutit suut pisariaqassappat?

Tunngavigisatut pigineqartumi inatsisini allannguutit, aqutsisoqarfimmi aalajangiussinerit, imaluunniit kommunini pilersaarutitigut allannguuteqarnerit sorliit pisariaqartussaassanerat aalajangerneqarsinnaanngillat. Tamanna siullertut ajornanngippat suussutsimik taarsiinermut piginnaasaqarfiup aqutsisoqarfimmilu suleriaatsip paasineqarnissaannik aalajangerneqassaaq, takuuk apeqquut 3-mut akissut.

Ajornanngippat suussutsimik allannguneq kommunip pilersaarutaata pingaarnertut ilusaani, imaluunniit toqqammavigisatut aalajangersagaanik allannguutiniq nassataqartitsissappat taakku pilersaarusiornermut inatsimmi nalinginnartut malittarisassiai malillugit isumagineqartussaassapput.

5. Kullorsuup nunaqarfittut inissisimatinneqarnissaa kingusinnerpaamik qaqugu nalilersorneqarsimava?

Piffissami nutaanerusumi Kullorsuup nunaqarfittut suussuserisaa najoqqutassialigaasutut, immikkut ittutut naliliiffigineqarsimanera naalakkersuisoqarfiup ilisimanngilaa, tassalu illoqarfittut suussutsimut ikaarsaariarneq pillugu apeqquut piviusutut saqqummiunneqarlunilu aalajangiiffigineqarneranut tunngasunik. Taamaallilluni Kullorsuup illoqarfittut/nunaqarfittut suussuserisaanik kingusinnerpaatut najoqqutaligaasutut nalilersuummut ullormik naalakkersuisoqarfik suussusersisimanngilaq.



6. Naalakkersuisut nassuiaateqarsinnaappat pisortat sullissineranni suut nalinginnaasumik illoqarfinni pigineqartartut, kisiannili nunaqarfinni pisariaqanngitsumik imaluunniit tamatigut pigineqanngitsut?

Nunaqarfinnut naleqqiullutik illoqarfiit aallaaviatigut pisortat kiffartuussiviini siamasinnerusunik neqeroorteqartartuupput, ingammik peqqissutsip, eqqartuussiviit, ilinniagaqarfiit, aamma aqutsisoqarfiit iluini. Taamaattoorli tamatigoortut malittarisassiatut katersanik peqartoqanngilaq, tamatuma kingornatigut illoqarfittut suussuserpiamit pisortat kiffartuussinermi atuuffigisaat aalajangersimasut malitsigisaasussaallutik. Annettussuseq illoqarfittut/nunaqarfittut suussutsimit aalajangerneqanngilaq, immikkoortumulli inatsisaasumit, aamma oqartussaaffiit ataasiakkaat taakku kiffartuussinissamut ingerlatassaannit, ilaatigut innuttaasuni tunngavigisaq ilaasarluni. Kullorsuarmi peqqissutsikkut kiffartuussinermut tunngatillugu apeqqutit 10-12-it akissutaannut innersuussisoqassaaq.

7. Naalakkersuisut naliliinerat naapertorlugu Kullorsuup inissisimaffiata allanngortinneqarnerata aningaasaqarnikkut allaffissornikkullu kingunerisassai qanoq issappat?

Kullorsuup suussusaata allanngortinneranik Naalakkersuisut piviusumik aningaasaqarnermi, imaluunniit allaffissornermi kingunerisinnaasunik nalilersuisimangillat. Suussutsimi allannguinerup taamaalinerani kiffartuussinermi, allaffissornermi, pilersarusiornermi, imaluunniit aningaasaliinerni allannguutit nassataqarnissaannit kingunerisinnaasat aalajangerneqassapput, taamaattumillu maannakkut pigisatut tunngavigisami erseqqinnerusumik naatsorsorneqarsinnaangillat.

8. Naalakkersuisut Kullorsuarmi innuttaasut amerlassusaasa ukiuni kingullerni 20-ni ineriartornerat pillugu paasissutissiisuteqarsinnaappat, matumani ukiunut agguataarnerat, inunngortut, toqusimasut aamma nuuttut ilanngullugit?

Kullorsuarmi piffissami apeqqutilliiffiusumi innuttaasut amerlassusaat, ukioqassutsinilu agguataarinerit Kalaallit Nunaanni Naatsorsueqqissaartarfiup takussutissiaani BENSTD-imi takuneqarsinnaapput, "1. januaarimi inoqarfinni innuttaasut 1977-2026". Ull. 1. januar 2026-mi Kullorsuarmiut 390-iupput.

Paasissutissat apeqquteqarfigisat sinneri tamakku aamma Kalaallit Nunaanni Naatsorsueqqissaartarfiup takussutissiaani tamanut saqqummiunneqartuni takuneqarsinnaapput: inunngortut BEDBLK4-mi: "Uumallutik inunngortut kiisalu agguaqatigiissillugu inuuneqqortussuseq (inoqarfinni) 1977-2025", toqusut BENBDM4-mi: "Toqusut kiisalu agguaqatigiissillugu inuuneqqortussuseq (inoqarfinni) 1977-2025", aamma nuuttut aamma qimatsisut BENBAF4B-mi: "Nuuttarnerit inoqarfik nuuffik qimatarlu malillugu 1993-2025". Piffissap apeqqutilliiffigisap taassuma ingerlanerani Kullorsuarmut ukiumoortumik paasissutissanut taakkununga takussutissiat taakku innersuutigineqarput.

9. Inoqarfiit qassit illoqarfittut inissisimasut Kullorsuarmut innuttaqassutsimikkut appasinnerusunik imaluunniit assingusumik amerlassuseqarpat?

Kullorsuaq 390-it tungaannit najugarineqarpoq. Kullorsuarmut naleqqiullugu illoqarfinni ikinnerpaani ataatsimik ikinnerusunik najugaqarfiusumik peqarpoq.



Apeqqummi "assersuunneqarsinnaasumik" oqariaaseq erseqqinnerusumik killiliiffigineqanngilaq. Taamaattumik assersuussinnermut immikkut ittumik innuttaasunut tunngasutut killeqarfusoq aalajangiiffiginagu sulii annertunermik amerlassutsimik nalunaartoqarsinnaanngilaq.

10. Kullorsuup peqqinnissaqarfiani peqqinnissaqarfiup sullissiveqarfia pillugu pitsanngorsaaniissamut pilersaarutit suut pigineqarpat, aamma ukiuni kingullerni tallimani tamani Kullorsuaq qanoq akulikitsigisumik nakorsamit, peqqissaasumit, kigutilerisumit ernisussamillu tikinneqartarsimava?

Peqqissutsimut Innarluutilinnullu Naalakkersuisoqarfiup makku ilisimatitsissutigai:

Apeqqummut akissuteqarnermut Peqqinnissaqarfimmit paasissutissanik pissarsiniartoqarpoq. Akissuteqarnermut killiliussap iluani sapinngisamik pitsaanerpaatut tikinneqarsinnaasutut paasissutissat saqqummiunniissaannik Peqqinnissaqarfik ilungersuuteqarsimavoq. Taamaattorli oqaluttuarisaanikkut paasissutissat (datat) apeqquutigineqartut taakku tamaasa pissarsiarinissat pisinnaasimanngilaq, tamanna nalunaarsuinernik, aamma napparsimasuni ingerlatanik annertuumik assassorluni misissuisoqarnissamik piumasaqarfiussammat. Taamaattumik Inatsisartut Suleriaasianni § 37, imm. 2 naapertorlugu piffissaliullugu aalajangiussap iluani paasissutissat pissarsiarineqarsinnaasut tunngavigalugit akissuteqartoqarpoq.

Peqqinnissaqarfiup neqeroorutai naapertorlugit Kullorsuaq peqqissaavittut suussusersisaavoq. 2023-mi aasaanerata kingornatigut peqqissutsimut sulianut tunngasutut ingerlattaqatigut tikeraartarnernut Peqqinnissaqarfik neqeroorummini piumasaqaatinik naapertuutsitsisimavoq. Ukiumut marluk-pingasoriarluni nakorsaq Kullorsualiartarpoq, tamaanngalu ukiumoortumik pingasoriarnerit missaannik peqqissaasoq, imaluunniit peqqinnissamut assistenti aggartarsimavoq. Tamakku saniatigut 2025-mili ukiumut marloriarluni meeraaqerisoq aalajangersimasumik tamaannga tikittarsimavoq.

Ukiuni kingullerni tallimani kigutilerisoq ukiumut ataasiarluni Kullorsualiartarpoq.

Ataatsimut isigalugu peqqissutsimut sulianut tunngasutut ingerlattaqallit ukiumut sap. akunnerini 12-14-ini Kullorsuarmiittarsimapput. Taakkununga ilaliutissapput ulluinnarni qarasaasiakkut nakorisartitsisarnernut ullut tamaasa attaveqarfissat. Napparsimasut qinguartarfigitinnissamik, imaluunniit ultralydi atorlugu misissorneqarnissamik pisariaqartitalit Upernavimmut innersuussaasarpot. Peqqinnissaqarfimmi Upernavimmi napparsimasunik misissorlugillu katsorsarnissaannut Kullorsuup amerlanerpaanik aggeqqusisarfisaasarnera tassunga atatillugu ilisimatitsissutigineqassaaq.

11. Ukiuni kingullerni tallimani tamani Kullorsuarmut napparsimasunik piaartumik angallassinert qassit ingerlanneqarsimappat, agguaqatigiissillugulu qisuariarnissamut piffissaq qanoq siviisutigisimava?

Peqqissutsimut Innarluutilinnullu Naalakkersuisoqarfiup makku ilisimatitsissutigai:

Piffissamut apeqquutilliffigisamut tamarmiusumut tamakkiisutut paasissutissat pissarsiarineqarnissaat pisinnaasimanngilaq. Tamanna ilaatigut ukiut ingerlaneranni nalunaarsueriaatsimi, aamma suleriaatsini allannguutiniq patsiseqarpoq, tamannalu assersuunneqarsinnaasutut oqaluttuarisaanermut paasissutissanik (datanik) tigusaqarnissamut periarfissanik killiliivoq.



Taamaattorli ataani takuussutissiami takuneqarsinnaasutut Kullorsuarmi 2024-mit siunissamullu pinasuagassalittut napparsimasunik angallassinerit tamakku Peqqinnissaqarfiup suussusersisimavai. Akissuteqarfissatut aalajangiussap iluani agguaqatigiissitatut qisuariaatinut piffissat naatsorsorneqarsinnaasimangillat, tamanna napparsimasuni ingerlatanik ataasiakkaanik aamma nalunaarsuisarfimmi paasissutissanik assessorluni misissuinernik annertuunik tunngaveqartariaqassammat.

Ukioq	Angallat (amerl.)	Qulimiguulik (amerl.)	Tamakkerlugit
2023	1	0	1
2024	2	0	2
2025	2	4	6
2026 (20. juli tikillugu)	2	3	5

12. Naalakkersuisut misissorniarpaat peqqinnissaqarfik allilernerqarsinnaanersoq, taamaalilluni peqqinnissamik sulialinnik aalajangersimasunik sulisussaarluni aamma qarasaasiakkut nakorsarneqarnissamut (telemedicine) atortulersorneqarluni?

Peqqissutsimut Innarluutilinnullu Naalakkersuisoqarfiup makku ilisimatitsissutigai:

Sumiiffinni inuiaqatigiinni ataasiakkaani tamakkunani Peqqinnissaqarfiup neqeroorutaani atuuttuni aallaavilittut pisarput, peqqissutsimik ikiorsiisarnert annertussusaat ilaatigut innuttaasuni tunngavigisat aallaavigalugit aalajangerneqartarlutik. Taamaalisukkut piviusutut neqeroorutigisaq peqqissutsimut sulianut tunngasutut ingerlattagalittut sulisunik pisariaqartitanik inuttassarsiuinissamut tamaaniiginnaartitsinissamullu periarfissanit aalajangerneqartarpoq.

Innuttaasuni allanngoriartornerit Peqqinnissaqarfiup malittariuarpai, aammalu sumiiffigisani pissutsinut pisariaqartitanullu peqqissutsikkut neqeroorutit naleqqussagassaanerat nalilersortarlugit.

Peqqinnissaqarfiup neqeroorutai tassaapput nunami tamarmi Peqqinnissaqarfiup neqeroorutaanik nassuiaasumik politikkikkut akuerisaasutut allagaat kingullerpaaq. Neqeroorutit 2015-imi akuerineqarput, aammalu sumiiffiusumi peqqissutsikkut kiffartuussinnermut suli tunngaviupput. Taamaattorli Peqqinnissaq pillugu Ataatsimiititaliarsuup isumaliutissiissutaanik, aamma malitsigisatut 2023-mi peqqissuseq pillugu isumaqatigiissutaasumik tunngaveqartumik neqeroorutit iluarsaannissaannik suliaqartoqarpoq, taamaalillutik taakku siunissami pisariaqartitanik, periarfissanik, aamma teknologiimi allanngoriartorfimmik annertunerusumik malitaqalersinnaatinneqassammata.

Ilanngullugu nunami tamarmi, ilaatillugit najugaqarfiit anginerit aamma mikinerit, nukittorsarlugillu nangitsilluni inerikkiartortitaanissaannik siunertaqarluni allisatut peqqissutsimut isumaqatigiissutissaq pillugu maannakkorpiat isumaqatiginninniarnernik ingerlatsisoqarnera Naalakkersuisut ilisimatitsissutigisinnaavaat, taamaalillutik innuttaasut sumiluunniit najugaqaraluarunik piffissamut naleqquttunik peqqissutsikkut ikiorsiissutitut attaveqarsinnaaneri qulakkeerneqassammata.

Neqeroorutini aalajangersakkat naapertorlugit Kullorsuarmi Peqqissaavik qarasaasiakkut nakorsiartitsinnermut atortuutitik peqareerpoq.



13. Naalakkersuisut imaluunniit Mittarfeqarfiit siusinnerusukkut misissuisimappat Kullorsuarmi imaluunniit Kullorsuup eqqaani mittarfiliortoqarsinnaanersoq?

a. Aappiuppat, misissuinerni inernerit, naatsorsukkat aamma inassuteqaatit paasissutissiissutigineqarnissaat qinnutigineqarpoq.

b. Naamiuppat, Naalakkersuisut teknikkikkut misissuinissamik aallartitsissappat mittarfiliorsinnaaneq imaluunniit timmisartuussinermi aaqqiissutissamik allamik isumannaannerusumik ingerlatsiviusinnaasumik?

Ineqarnermut, Attaveqaasersuutitut Isorliunerusunut Upalungaarsimanermullu Naalakkersuisoqarfik imatut ilisimatitsivoq:

Kullorsuarmi imaluunniit eqqaani mittarfiliornissamut periarfissanik siusinnerusukkut misissuinernik toqqorsivimmi atortuutit pissarsiarineqarsinnaasut misissorneri tunngavigalugit ilisimasaqartoqanngilaq. Mittarfimmut periarfissanik teknikkip tungaatigut misissuinerit immikkut ittumik aningaasaliissutinik, aamma politikikkut pingaarnersiunermik tunngaveqassapput. Piffissami matumani taama ittumik misissuinissamut aningaasaliisoqarsimanngilaq, apeqqulli mittarfinnik, aamma mittarfinnut iluserititanik allanngoriartortitsinerit pillugit siunissami isumaliutigisani ilaasinnaassaaq.

14. Ukiuni tulluuttuni qulini Kullorsuarmi umiarsualivimmut, heliportimut, innaallagissiorfimmut, irmemik pilersuinerimut, eqqagassalerinermut aamma attaveqaqatigiinnermut suut aningaasaliissutigineqarnissaat pilersaarutaava?

Umiarsualivimmut, heliportimut, aamma tele aqquutigalugu attaveqaqatigiinnermut tunngatillugu Ineqarnermut, Attaveqaasersuutitut Isorliunerusunut Upalungaarsimanermullu Naalakkersuisoqarfik imatut ilisimatitsivoq:

2024-mi Kullorsuarmi umiarsualivik annertuumik allineqartoq Naalakkersuisut ilisimatitsissutigisinnaavaat, tamannalu tamakkiisumik nunaminertamik annertuumik allisaqarnermik umiarsualivimmi atortorissaaruteqarfinnut nassataqartitsivoq. Umiarsualivimmik allisaqarneq maannakkut ataatsimut isigalugu naammassineqarsimalerpoq, suliallu sinneri tamakku 2026-p ingerlanerani naammassineqassasut naatsorsuutigineqarput. Tamatuminnga tunngaveqarluni Kullorsuarmi umiarsualivimmut annertunernik aningaasaliinissat pillugit maannakkut pilersaaruteqartoqanngilaq, umiarsualiveqarfik nutaaq taanna naammattumik annertussusiligaasutut, pitsaasutullu iluseqartutut naliliiffigineqarmat.

2027-mi Avannaata Kommuniani umiarsualivinnik tamarmiusunik qanoq issutsumik nalunaarsuinerit naammassineqarniarput, ilaassarluni Kullorsuarmi umiarsualivik. Qanoq issutsumik nalunaarsuinerup umiarsualivimmi qanoq issuseq naammaginaruunngitsoq takutissappagu aserfallatsaaliunissamik iluarsaassinissamillu suliaasat pisariaqartitat taakku isumagineqarumaassapput.

Kullorsuarmi heliportimi piviusutut aningaasaliinissamik pilersaaruteqartoqarsimanersoq Naalakkersuisut ilisimasaqarfinginngilaat, tamanna ingerlatsiviup aserfallatsaaliugarinissaanut akisussaaffeqartumit Greenland Airports A/S-imit suliarineqartussaammat. Taamaattumik Greenland Airports A/S-imit oqaaseqaatinik pissarsiniartoqarpoq, imatullu taanna ilisimatitsivoq:

"Greenland Airports Kullorsuarmi heliporterqarpoq. 2031-mi heliportip qallersugaanerani annertunerusumik aserfallatsaaliuinikkut suliaqarnissaminik Greenland Airports naatsorsuutiginnippoq."



Tele aqutugalugu attaveqaqatigiinnermut naleqqiullugu aningaasaliinissat pillugit aalajangiussinerit aallaaviatigut Tusass A/S-it aalajangerneqartarput, taanna tele pillugu suliaasaqarfimmi naammaginarlunilu illersorneqarsinnaasumik attaveqaasersuutit qularnaarnissaannut ingerlatsinermut akuersissummik piginnittutut akisussaaffeqartuummat. Tamakku saniatigut Naalakkersuisut nunaqarfinni ataasiakkaani tamakkunani tele aqutugalugu attaveqaasersuutini aningaasaliinissanut pilersaarutit pillugit ilisimatitsissutissanik peqanngillat.

15. Kullorsuarmi illut najugaqarfiusut aamma sulisunut inissiat qassit pigineqarpat, taakkunanngalu qassit iluarsaanneqartariaqartut imaluunniit atorneqarsinnaajunnaarsinneqartariaqartut nalilerneqarpat?

Ineqarnermut, Attaveqaasersuutitut Isorliunerusunut Upalungaarsimanermullu Naalakkersuisoqarfik imatut ilisimatitsivoq:

Kullorsuarmi illuutigisaniipput illut inunnit namminneq, pisortanit, suliaqartunillu allanit pigineqartut. Kullorsuarmi illut tamakkiisutut amerlasussaas pillugit Naalakkersuisut ataatsimoortitanik paasissutissanik pigisaqanngillat, ilanngullugit sulisunut inissiatut qanoq amerlatigisut atorneqarneri, imaluunniit qanoq amerlatigisut iluarsaanneqartariaqartut imaluunniit atorneqarsinnaajunnaarsinneqartariaqartut nalilersugaasut.

Apeqqummik akissuteqarneq Avannaata Kommunianit, kiisalu piginnittunit pisortaneersunit aamma inunnit namminneq piginnittuusunit paasissutissanik pissarsiniarnermik assersuussinermillu tunngaveqartussaassaaq. Tamanna nassuiaatitut iluseqartussaallissaaq, taamaattumillu Inatsisartut Suleriaasiat malillugu § 37-mut apeqqummut toqqammavigisat avataanniittuulerluni. Tassunga atatillugu inissiat amerlassusaas piginnittuunermullu pissutsit pillugit § 37-mut tunngasutut apeqqummut nr. 187/2025-mut akissutaasoq innersuussutaasinnaavoq.

16. Naalakkersuisut Avannaata Kommunia suleqatigalugu Kullorsuarmut ataatsimut ineriartortitsinissamut pilersaarusiussappat?

Ineqarnermut, Attaveqaasersuutitut Isorliunerusunut Upalungaarsimanermullu Naalakkersuisoqarfik imatut ilisimatitsivoq:

Kullorsuarmi allanngoriartortitsineq Naalakkersuisut pingaarutilittut isigaat. Maannakkut isorliunerusunut iliuusissanut pilersaarummik piffissamut ungasissumut atuuttussamik suliaqartoqarpoq, taannalu sumiiffigisani pisariaqartitanik periarfissanillu aallaaveqarluni isorliunerusunik siunissami allanngoriartortitsinissamut pingaarnertut toqqammaviussaassaaq.

Kullorsuarmi allanngoriartortitsinermut pilersaarut ajornanngippat tamakkiisoq Naalakkersuisut aamma Avannaata Kommuniata akornanni erseqqinnerusumik oqaloqatiginninnermik, aamma ataatsimoorussatut pingaarnersiunermik tunngaveqartussaassaaq.



17. Naalakkersuisut suliniuteqassappat inoqarfiit anginerusut, sumiiffinni annertunerusuni sullissinermik isumaginnittut, pillugit immikkoortortamik nutaamik "sumiiffimmi qitiusumik inissisimaffik"-mik pilersitsisoqarnissaanut?

"Sumiiffimmi qitiusumik inissisimaffik"-tut suussuttip nutaap eqqunnissaa pillugu Naalakkersuisut aalajangiussaqaqngillat. Siunissami kommunini aamma oqartussaasoqarfinni aaqqissuussaaneq pillugu apeqqt siamasinnerusutut aaqqissuussaaneermik oqallinnermi, maannakkut ingerlatsiviusutut Aaqqissuusseqqinnermut Ataatsimiititaliami suliarineqartumi ilaavoq.

18. Naalakkersuisut qaqugu Kullorsuup ineriartortinneqarnissaanut pisariaqartitaasa aamma siunissami illoqarfittut inissinneqarsinnaaneranut periarfissaasa ataatsimut nassuiaat saqqummiussinnaassavaat?

Kullorsuarmi siunissami illoqarfittut suussuserisassaanut allanngoriartortitsinissamik pisariaqartitanik periarfissanillu immikkut ittumik tamakkiisumik nassuiaasiornissaq pillugu Naalakkersuisut aalajangiussaqaqngillat, taamaattumillu tamatumunnga piffissamik nalunaartoqarsinnaanngilaq. Illoqarfittut suussuseq pillugu apeqqummik ajornanngippat nangitsilluni suliarinninneq siullertut piginnaasanik allaffissornikkullu suleriaatsimik paasisaqarnermik pisariaqartitsissaaq, takuuk apeqqt 3-mut akissut.

Inussiarnersumik inuulluaqqusillunga

Maritha Broberg